



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Vita, Et Gestis S. Francisci Xaverii È Societate Iesv  
Indiarvm Apostoli Libri Qvatvor**

**Bartoli, Daniello**

**Lvgdvni, 1666**

19. Malaca[m] Xau. deserit.

**urn:nbn:de:hbz:466:1-10854**

honoris, fortunarum, & corporis ferendum clade quā foret posteris monumentum infamiae, & ostentum terroris. Quibus suum hoc subdidit pium votum, sed metus grauissimi suspectum, atque vtinam, ait, Deus illi animam saluam præstet. Vaticinium nimis verax secuta est calamitas multiplex; ab Alfonso Ptolege, Praefectura motus Ataides nondum elapsō biennio, vincetusque Malaca Goam delatus est, inde in Lusitaniam, vbi bonis omnibus in fitcum redactis, addicetus est perpetuo carceri; sensit quoque vltoris æquissimi duram manum, lepra infanabilis deformatus, quæ illū ab India usque ad obitum pertinaciter arrosit. Obitum vero tradunt fuisse improuisum, ex fœdissimo vlcere, quo tanta graueolenta putrefactæ carnes abscesserant, ut seruorum nemini duraret stomachus, vel purganti plagam, vel proprius ad eum accedenti. Nauem interea Pereiræ raptam cum mercibus, magnæ huius, nec seræ ignarus vindictæ obtinuit, ducem illi præfecit; nautas quinque & viginti suos imposuit; eamque in Sinas ad negotium misit.

18

Sed hanc Pereiræ iacturam, suis nominibus, ac rationibus imputavit  
Vice versa tetur Pereiram, quod itē prædix. Xauer.  
 Deus, coepitque iam tum eius fœnus ei persoluere, sortem illic in celo immensa largitate integrum redditurus; nam qui ex Sinis Malacam redeunti, pridem licet obscuræ clades prædixerat, quibus disturbata est ea legatio; idem nunc illum præmonuit vir sanctus, quam liberaliter ipsi Rex pensatus esset damna quæ fecerat, accessione scilicet maioris apud se gratiæ, dignisque seruo fideli præmiis. Imò cum sint fortunæ mercatorum, præterim maritimæ adeò fragiles, ut manè loquientes, non raro sub vesperam mendicent; amici aduersa longè prospectans Xauerius, securum esse iussit, nec sibi, nec filiis, defutura usquam vitæ subsidia, cui nisi fidem fecisset miraculum, non tam euidenter prædictum ccelitus putatur. Filium Pereira reliquit mortiens Franciscum nomine; mercaturam item dum res staret, hic fecit, sed eò denique variis calamitatibus deuenit, ut ei aliquando eiusque familiae, nec panis, nec vnde cōmeret obolus adesset; huic ergo tunc Deum, suo è penu cœnam videre oportuit. Angelum, vti creditum est, iuuenis specie, ad eum misit, qui panem circumferebat cum pomis, cæterumque comiteatum escarum copiosum; vocat prætereuntem Pereira, emit ex eo quibus indigebat, & quod in promptu argentum deesset, pignori vestem vxoris obiicit; negat iuuenis pignore opus esse; plus apud se habere fidei ejus verba quam pignus, libere modo ac largiter ab se sumeret quantum veller, de pretione esset sollicitus, quæ tam humaniter, tam officiosa dicebat venustate, ut esse alium ab eo quem assimulabat facile appareret; ipseque Pereira cum uxore facile agnouit, cum eorum quæ venalia tulerat magna parte relictæ, videri desit, nec usquam præterea, licet vrbe quæsitus apparuit.

19

Malacā Xau. deserit.  
 Malaca demum priusquam recederet vir sanctus, suos dedit Iaponia socios, Bungensi Regi Baltazarem Gagum, Siluam, & Alcazeuam Aman-guccio, Ioannem, Beiram qui de Molucensi christianitate lætissima ei attulit.

tulit insperato; Goam cum literis ad Berzeum misit, ut acceptis ab eo socii rediret in Molucas. Parante iam vela in Sinas, nauj S. Crucis, ex ea in urbem se contulit, amicos ultimum complexurus, & salutatus Deiparam de Monte, unde ab Naucero post Solis occubitum est abductus, monente sublatis anchoras, & expansa vela. Tanti Patris iacturam multis querelis prosequi populus, multo & vario terrore ab ea profectione auertere; deesse nunc legationis titulum, & iura, quae extraneos tutarentur: prorsus nunc ut primum intra regnum pedem inducerent, sempiterno claudendos, & tetro carcere; orare atque obsecrare, ne se desereret apud quos tam esset fecundus, & gratus eius labor. At ille professus quod Deus vocaret, illuc sequi, & illuc se esse oportere, futura illis vice sui reliquit monita, qualia decuit, eius qui postremum affari se illos nouerat; hinc ad nauim euntem pone secuta est pars magna populi flens, & moestia patris suauissimi discessu, cuius tunc in omnes cum se amor efficeret; tum in Franciscum Perez extitit singularis. Regebat ut diximus Malacæ Collegium Perez, illoque ultimo viri Dei amplexu, & discessu acerbè dolens, obtestatus est vehementer ne prius abiret, quam sibi oculos pressisset (iacebat enim in extremis, morbi contagio in ægrotorum ministerio contracti) hanc sibi vnicam restare in viuis consolationem, si presentem sentiret moriens, & inter eius manus animam efflaret. Cui S. Xauerius iterato complexu valedicens, nihil, inquit, tibi nunc me præsente est opus, nec enim moriere. Deo tua opera vti placet, quam laboriosam & diuturnam Indiae nauibus: & vero post hæc amos septem & viginti superstes, idem ista quæ narrò scribebat Perez, nempe 1579. Ex itinere deinceps, & Sincapurano fredo ad eum scripsit, negans se valetudinem animi commendare, quam sciret illi carissimam; sed curam corporis, proin fæbri omnino vacuus, dies tamen postea virginis confessionibus, & concionibus omisssis, sannitatem, viresque confirmaret. Porro ad nauim, ut aiebam, tendenti, cum adesset comes officij gratia Ioannes Soarez Vicarius, insurrauit in aurem anxius, vtrumne Præfecto salutem abiens dixisset, non videri sibi prætereundum id fuisse; quod ille seu Xauerij causa, sive Ataidis diceret, futurū aiebat, alioqui offensioni debilitibus, & suspicione daturum, amaræ in eū voluntatis. Cui Xauerius, me quidem in hac vita conspecturus Ataidis nunquam est, illum coram Deo præstolor in altera; se, sumque hoc ultimum facinus si quæ poterit defensurum. Cumque ad fores ædis sacrae, mari proximæ peruenisser, sublati oculis substitit, ingentique impetu spiritus, clara voce pro aeterna miseri Ataidis salute preces fudit; tum prostratus, humique vultu hærens affixus, tantisper silentio cum Deo egit; mox surgens detractus, ad saxum, & inter se excuslit calceos, cauens soli adeò sclerati, ne puluisculus quidem sibi adhæreret, Pergensque vaticinari admodum distinctè, poenas quæ Atadem manerent; Malacam, nunquam postea in viuis ab se reuendam, & moestum ad hæc mutumque populum reliquit, scaphaque ad nauim delatus abiit. Erat hæc ipsa Iacobi Pereiræ nauis, &

quan-

quoniam pars eius quam minima, de sociali negotio, & mercibus ad eum pertineret, ceteris illi ab Ataide direptis; quicquid tamen id erat, totum esse mandauit in potestate viri sancti. Imo cum nondum Malaca exisset, interrogaretque Pereiram, cuinam de suis commissis, panem sibi & aquam per iter suffici; & nominaret amicus Procuratorem suum Gasparem Mendez Vasconcellum, cuius etiam temoni vicino, vslrus esset cubiculo; mirum dicere, illico vir sanctus; & rebus inquit ruis; & mihi perperam hoc homine consulis. Quare sis meliorem, cui nos melius credas. Sinas Mendez non petet, hæredit Malacæ, ibidemque ultimum diem claudet. Quæ cum à præsenti rerum statu viderentur alienissima, neendum aduerteret Pereira, superiori monitu hæc edi, arbitriaque se diceret, Mendez esse ad iter valentem ac vegetum; retulit Xauerius affirmans, futurum certo est quod dixi; tu habeto illum pro mortuo, ac nullo; tuam rem, ac me alteri commendato. Quibus Pereira tam assueranter dictis, paruit denique ac Thomam Scandellum rebis suis curandis præfecit. Mendez excusans negotia nondum sibi satis ad professionem expedita, in vrbe substitit, & fere iquariduo, post Xauerij discessum obiit.

2.0

Aquam salam  
in dulcem  
conuerit  
Xau.

Multis ut alias ysquam prodigijs, hanc Apostoli sui supremam navigationem nobilitauit Deus, festinatis quodammodo, & exaggeratis honoribus satagens contumelias, & probra vincere, quibus Malacæ sua causa fuerat oneratus. Et occurrit primam nota illa, & multorum encomiis celebrata salsa aquæ, in dulcem, potuique aptam conuersio. Pottabat nauis S. Crucis homines quingentos, & aquationem numero huic, & itineri æqualem; Promouerat immenso iam tractu, cum ex insperato destitutus omni flatu, & pertinaci malacia velut in anchoris dies quatuordecim figitur. Hic aqua paulatim deficere, quotidianim eius demensum minui, negari ad coquendos eibos, ut sufficeret ad scimus: modulus denique in diem cuique ad bibendum prescriptus omnino esse, nonnulli potus inopia emori: & scapha quidem ad aquationem, litora peruestigabantur, & insulæ, sed frustra; quod interiora vasis Oceani tenebant: vna se in prospectum dedit, quam Formosam putarunt, sed nullo septidui integri circa illam conatu, prehendi potuit, nauisque interea ægrotis, & siti rabidis referiebatur, sinente Deo malum ad extrema deuolui, ut vel coacta stoliditas hominum animaduerteret, tam proclue sibi lethalis penuria remedium adesse, quam facilem ad auxilium habebant sanctum Patrem. Prodit itaque ad ceteros vius, Xauerij apud Deum potentissimam gratiam, totque illustribus probatum miraculis, in mentem iis reuocat: configitur ad eum ab omnibus, & languore ac lacrymis, quam verbis vehementius rogatur, ne sinat infelices crudeli morte interire, aquam illis aut ventum à Deo imperret; utrumque illi prouum esse. Communi exitio percussus vir sanctus, iubet omnes genua flectere, ad Christi de Cruce imaginem Litanias cantare, ceterum eius confisus bonitate, se quemque recipere: recipit quoque se tantisper in suum cubiculum